



封内風土記

一府城  
之

JL 4  
770  
2



義

藏

封內風土記卷之七之二

田邊希文撰

明治三十八年九月三日購

府城  
寺凡百三十五

金光明四天王護國山醫王院國分寺 真言

宗城州醍醐報恩院末寺僧傳云舊天台

宗而聖武帝天平九年丁丑春 勅願創

建行基大僧正開山國分寺總名而有學頭

後花園帝寬正中宥日汰印中興 別當院主 仁明帝嘉祥中慈覺大師中興

三寺交執事務往古有十八伽藍白山宮八

門 凡百  
號 770  
卷 2

幡宮天滿宮原小田二王伽藍神準眠大士牛  
頭天王奧院正觀音國分尼寺以上山王權  
現貴船明神神明宮諏訪大明神熊野權現  
稻荷大明神辨財天阿彌陀如來汰領權現  
小泉邑以上九處荒廢今存其名于石是曰十八伽藍共天平  
中創建也希文按以天平中創建者誤也有衆徒二十  
二坊東大門坊西大門坊極樂坊杉本坊櫻  
岡坊富岡坊西中坊泉岡坊梅木坊井上坊  
池上坊東中坊橋本坊吉窪坊大寶坊泉碕  
坊常樂坊窪之坊竹内坊水上坊善林坊馬

場本坊各受學頭之指揮後鳥羽帝文治  
五年之役八月十二日罹兵燹一山堂塔伽  
藍諸寺院悉為烏有正親町帝天正中國  
分彦九郎盛重再造後陽成帝慶長十二  
年貞山君造管藥師本堂一山鎮守白山  
神社等其餘學頭別當院庄三院及二十二  
之子院中御門帝享保中獅山君令龍  
寶寺泰音實政作緣起自書跋文以納之  
聞老志名跡志共曰國分寺建學頭別當院  
主三字以備之彌金光明四天王護國山國

分寺三字僧交勒寺務其屬坊有二十四區  
逐年巡行祭祀事聖武帝天平中詔每州  
所建之一寺也其後鎮守將軍藤原秀衡甚  
好佛建寺院僧房頗極壯麗設長堂迴廊而  
及尼寺後傾側荒廢矧又其間及兵燹等之  
災乎如今往昔古瓦遺礎猶有焉好事者雕  
而為硯

和漢合運曰天平九年每州建國分寺又十  
一年曰始建每州國分尼寺續日本紀云天  
平三年辛未詔曰每國造釋迦像一軀挾持

菩薩二軀兼寫大般若經一部又天平寶字  
五年六月令天下諸國各於國分尼寺奉造  
阿彌陀丈六像一軀脇持菩薩二軀希文按  
天平寶字五年廢帝御宇也寄附學頭院  
主各二十六四名衆伎各十二名之地

護國山國分尼寺曹洞宗八塚龍川院末寺  
傳云舊天台宗而聖武帝天平中每州創  
建國分尼寺令僧尼住焉僧寺撰明德二十  
人掌祈禱尼寺擇淨尼十人掌滅罪乃名法  
華滅罪之寺此尼寺亦其一也帝之勅願

處而天平十一年創建觀音大士之靈場國  
分寺與院本尊觀音亦天平所造歷年之久  
既朽損今所安者惠心僧都所刻也近古國  
分莊主國分能州刺史世修管國分寺藥師  
堂白山神社尼寺觀音堂等正親町帝元  
龜元年遂以尼寺為禪院使明峯派下龍川  
院弟二世明屋和尚開祖境內往古方三百  
間後水尾帝寬永以來有縱六十二間餘  
橫五十間餘故往古觀音堂遺址在境外而  
圍中築長八間橫六間二尺之塚寺內有南

部和賀郡舊主右大將賴朝卿支子多田武  
部大輔忠賴十七世孫和賀主馬源忠親之  
墓中御門帝享保七年御山君奉肯  
山君遺命為雄山君祈冥福使寺僧讀誦  
普門品三十萬卷三年而終巧雖曹洞宗以  
使覽載于此  
惠澤山寶珠院龍寶寺在城北真言宗城州  
殿三窟院末寺舊在羽州米澤成島不詳  
何時何人開山傳云後花園帝康亡中澄  
海汰印中興本尊釋迦如來竺工毘首羯摩  
所造也寄附二百七十石餘之地傍院六區

如在

別當坊 賜十五名餘之地

東光院 賜十七名餘之地

泉照院 賜十五名餘之地

玉燈院 同上

蓮葉院 同上

龍城院 同上 以上六院開基年月僧名共不

傳

南清山定禪寺 在舊寺小路真言宗城州殿

酬三寶院末寺傳云 後柏原帝永正中融

濟汰印開山寄附六十六石之地 傍院三舍

如在

善性院 不詳何時何人開基

甘露院 同上

大悲院 同上 以上三院 東山帝元錄十年

谷寄附十石之地

龜岡山十手院 在河內真言宗京都仁和寺

末寺傳云 後花園帝永亨中宥日汰印開

山中古羅火奮記燒矢其詳不傳寄附七十

石之地 傍院六區如左

遍明院 此對一六五  
福藏院 古殿天香時熱天其下對  
秀明院 於本寺西園帝承中  
無量院 十有餘路西內真言宗  
茲眼院 一十五  
龍性院 以上六院開基僧名年月共不傳各  
賜廩米五石四口  
惠日山遍照寺 在連坊小路真言宗城州醜  
酬報恩院末寺不詳何時何人開山傳云  
當家古來祈願處先君居常州中邑則寺

在下野州芳賀郡山尾居羽州米澤城則寺  
在下長井莊彌宮地有六供門前市店及末  
寺門徒許多在米澤則宥日汰印開山也什  
物有高麗画金胎兩部曼陀羅二幅貞山君  
歸陣所弘汰大師奉桓武帝勅延曆二十  
三年入唐青龍寺惠果和尚密汰傳授所附  
屬諸具之鈴五鈷後花園帝承八年高野  
山宥遍汰印附屬宥日汰  
印高野文覺上人護持佛智證所造不動像  
文覺上人所持錫杖等舊高野山末寺也  
靈元帝貞享元年前往照長汰印相續報恩

院前大僧正有雅之汰流爾來為報恩院末  
寺寄附二十四石之地

湯國山月山寺寶光院在舊寺小路真言宗  
京都仁和寺御室御末寺傳言長海上人  
開山不詳其年月長海初住于羽州長井莊  
龜岡文殊堂側性山君夫人保春院殿召  
之有可祈生文武忠孝兼備之子於湯殿山  
之命四月二日其不詳長海登山祈之無幾天  
人有孕正親町帝永祿十年丁卯八月三  
日生貞山君長海乃為假子彌梵天丸爾

來崇信湯殿山每歲四月二日使長海登山  
代行其後建寺使之至今連綿登山代行寄  
附五十石之地

摩尼山大聖寺同上京都智積院末寺傳言  
初號歡喜院後陽成帝慶長中定禪寺五  
世融譽汰印退休貞山君賜地建寺經營  
時鑿地獲聖天像是以別造堂安置之号寺  
曰歡喜院貞山君有聖天供修行之命寄  
附三十六石餘之地故以融譽汰印為開祖  
為定禪寺末寺東山帝元祿七年慶餘汰



印上京相續法流為智積院末寺改號摩尼山大聖寺

慈眼山普門寺西光院 在土樋真言宗京都智積院末寺傳云名取郡富澤邑主山岸三河宗成後陽成帝慶長七年二月二十九日歿其子修理定康祈亡父之冥福同十年建寺開山僧名不傳西光院乃宗成法謚也東山帝元祿二年前往照養法印續智積院信盛僧正法流爾末為智積院末寺  
審珠山彌勒院 在中島町北真言宗龍審寺

末寺傳云古來之寺而其先不詳何時何人開山勝慶法印中興為龍寶寺末寺其年月不傳後西帝萬治元年八月勝慶遷化

瀧澤山光明院 在舊寺小路真言宗龍寶寺末寺不詳何時何人開山瀧澤明神別當而寄附廬米三口中御門帝享保中祐春法印中興

金光山滿福寺 在荒町市店後真言宗京都智積院末寺不詳何時何人開山

青葉山寂光寺 在城北真言宗京都仁和寺

末寺傳云信夫郡福島一里東北羽黑權現  
別當而慈覺大師開基也 後湯成帝慶長  
九年十月同郡宮代之役現住僧名及中興  
開祖慶印上人與上杉諸將戰而有功是以  
慶長七年護持權現神躰到仙臺賜地移住  
焉有中興侯祖慶印上人之墓今日之行人  
塚

湯殿山藥木寺 在北六番町真言宗龍窟寺  
末寺傳云古來之寺也不詳何時何人開山  
尊雄汰印中興其年月不傳 後光明帝慶

安元年七月尊雄示寂本尊湯殿山本地佛  
弘汰大師所造也 貞山君再興造營初寄  
附廩米五石其後公收廩米寄附五十石之  
地

兩部山大日寺覺性院 同上京都殿酬報恩  
院末寺傳云國分彦九郎盛重之嫡男玄性  
房實永汰印中興開山不詳其年月實永汰  
印童名仁德九十三歲為僧其後住職于定  
禪寺 明正帝寬永十九年 義山君之世  
請之曰古昔國分莊內有號覺性院寺今荒

廢冀再興之是以賜地于小田原邑建寺其  
後以造營東照宮時為旅處移于今地寺  
內有明人王翼者之墓又有彌瀨互橋石橋  
相傳上古往還之路也

羽黑山西性院 同上真言宗龍窟寺末寺傳

云權大僧都弘賢開山不詳年月 後光明

帝承應三年八月弘賢示寂今所在寂光寺

中羽黑權現社 貞山君自伊達郡移于此

寺其後遷于寂光寺故寺中今猶有其社

寶龜山密乘院 在舊寺小路真言宗龍窟寺

末寺傳云本尊辨財天春日作本州三春城

主田村太膳大夫清顯朝臣之夫人護持佛

也田村家喪地之後夫人寄食 當家招號

俊快僧建寺不詳其年月 後水尾帝元和

元年正月二十一日夫人掩化號密乘院殿

王室性金大姊寄附廩米二口

普門山蓮花院觀音寺 在同心町真言宗千

手院末寺舊號自證菴千手院之陣跡也

當今帝明和申改號

高福院 無山号 在東六番町真言宗龍窟寺

門徒不詳何時何人開基

常光寺無山号

在少林真言宗龍寶寺門徒

往時羅回祿舊記燒失不詳何時何人開基

觀瀧卷無山号

在大碕八幡市卷真言宗龍

寶寺門徒不詳何時何人開基本尊千手觀

音弘法大師作仙臺順礼三十三處第二番

之札處也

龍華菴無山号

同上龍富寺門徒不詳何時何

人開基本尊地藏菩薩傳云十昧佛之其一

也希文

按貞山君實錄記龍寶寺前住攝

州大坂之役修勝軍地藏之汰歸國之後安

置其本尊與其所傳不合以實錄為正說

無為山東昌寺

在北山臨濟宗城州東福寺

末寺當家第四世覺印君之牌寺也舊在

伊達郡乃君所建而後伏見帝正安中

城州東福寺正覺菴佛智禪師惠雲和尚開

山寄附三百石之地塔頭六舍如左

一風軒十四世直山君十三男為僧諱康

甫號大有和尚嘗住持東昌寺建一風軒以

為退休之處寄附三十六石之地

雲門菴 東昌寺中興開祖韶陽和尚塔處  
後小松帝明德四年十一月韶陽示寂寄附  
十二石餘之地

護國院 十三世 香山君牌寺也大有和尚  
開基不詳年月寄附十二石餘之地

智松院 真山君牌寺而大有和尚所建也不  
詳年月寄附三十石餘之地

乾德院 十五世 保山君牌寺而大有和尚  
所建也不詳年月寄附十八石餘之地

正眼院 義山君第一男虎千代君牌寺也靈

廟在東昌寺內 後水尾帝寬永七年好雪  
和尚開基寄附廩米及金

當午山滿勝寺 同上臨濟宗城州東福寺末  
寺 當家大祖 念西君之牌寺也舊在伊  
達郡桑折驛邊 第四世 覺印君所建而

城州東福寺佛知禪師惠雲和尚開山不詳  
其年月 後伏見帝正安三年七月佛智禪  
師示寂今無寺其地號滿勝寺邑有 靈廟  
貞山君遷城之後建寺于城北寄附廩米  
五十俵及二十五石餘之地寺庫藏賴朝卿

靈牌相傳大覺禪師筆痕而念西君平常  
所并也塔頭如在

持國院 第二世 念山君牌寺也寄附廩米  
松蔭山光明寺 同上臨濟宗城州東福寺末  
寺 當家太祖 念西君夫人牌寺也舊在  
伊達郡而第四世覺印君之所建也今無  
寺其地號光明寺邑 靈廟亦當有而今失  
其地 貞山君遷城之後建寺于城北寄附  
百二十七石之地初在伊達郡時有塔頭五  
舍一曰少林院二曰壽福院三曰大悲院四

曰龍雲院五曰紹妙院今存二舍如在

妙峰軒 中御門帝享保中德雲和尚中興  
龍雲菴 中御門帝享保中天養和尚中興  
遠山覺範寺 同上臨濟宗城州妙心寺末寺  
舊在羽州置賜郡長井並夏刈邑號慈雲山  
資福寺宋永嘉郡人佛源禪師開山 十六  
世 性山君所再造而 正親町帝元龜三  
年壬申自濃州請待虎哉和尚為中興開山  
同年七月七日入院 後陽成帝天正十九  
年辛卯 貞山君移玉造郡岩手山城寺亦

從之假改興國山天王寺在玉造郡上宮邑  
寺末號遠山覺範寺安置性山君靈牌  
同帝慶長五年庚子君移仙臺城賜今之  
愛宕山誓願寺之地而遷寺其後移于今地  
是以以虎哉和尚為覺範寺開山始祖羽州  
資福寺舊址有性山君靈廟及殉死遠藤  
山城基信墳墓寺內有性山君夫人保春  
院殿靈廟其傍有高一丈三尺餘五輪塔黑  
川郡吉岡天皇寺開基貞山君第三男伊  
達河內宗清石碑及殉死七人之五輪塔和

田佐渡成清浦川宇兵衛佐伯左門今野采  
女森右馬助青木彦右衛門以上六人諱不  
傳是嘗仕宗清者為僧住塔頭醫國院祈宗  
清冥福私建之云寄附二百四十五石之地  
有塔頭三舍如左

醫國院 性山君殉死遠藤山城基信牌寺也  
保福菴 同上須由伯耆諱不牌寺也今荒廢  
撐月院 同上內馬場右衛門諱不牌寺也今  
荒廢

慈雲山資福寺 同上臨濟宗城州妙心寺末  
寺舊在羽州置賜郡長井莊夏刈邑而宋永

喜郡人佛源禪師開山不詳其年月入日本名藍之中也 正親町帝元龜三年壬申

性山君安置 第三世本明君所建之觀音

三十三軀及 觀音寺殿光福寺殿本明君夫人

靈牌請待濃州虎哉和尚為中興開祖觀音像其

後罹火災僅存中尊一軀 後陽成帝慶長

今在米澤城下福泉寺云 五年賜地於仙臺府下谷地小路遷寺其後

移住于今地安置 觀音寺殿光福寺殿靈

牌寄附八十七石之地

正宗山瑞鳳寺 在名取郡根岸邑屬府內臨

濟宗城州妙心寺末寺傳云此山舊虛空藏

堂之地而絕頂有遺址也往古有滿海上人

者一世之行人而住此山行法頗有靈驗一

世轉讀大般若及末期埋其經於瑞鳳殿下

之地故呼此山曰般若經峯今在瑞鳳殿後

石所謂經之蓋石也 後水尾帝寬永十三

年葬 貞山君遺骸于此山移虛空藏堂于

愛宕山建寺以保春院佛慧道光禪師清岳

和尚為開祖有 瑞風殿貞山君 感仙殿義山君

善應殿雄山君 三靈廟寄附百二十石之地及



靈廟供廩米四十九石。傍院一區。塔頭六舍如左。

思敬菴 中御門帝正德二年 雄山君侍臣熊谷齊直清為僧號溪叟祈君之冥福是以 獅山君建菴於瑞鳳寺內賜之其子喜六即直道請君分五十石之地寄附之傍院而非塔頭之列

雄心院 舊号妙音菴開基僧名年月共不傳 中御門帝享保七年百川和尚安置 獅山君第一男雄心院殿村五郎靈牌改号雄

心地 心院以百川和尚為中興開祖寄附六石之地

天桂院 舊号慈眼菴開基僧名年月共不傳

櫻町帝延享五年瑞鳳寺第九世大林和尚中興其荒敗而安置 忠山君第一男天

桂院殿久米之丞靈牌改号天桂院故以大

林和尚為中興開祖古來寄附十六石之地

且寄附首天桂院殿令弟令妹供養料金三

百兩

龍興院 海岸和尚開基不詳其年月寄附十

六石之地

般若院 百川和尚開基寄附十六石之地

定光院 開基僧名年月共不傳寄附同上

酬恩院 開基僧名年月共不傳寄附同上

少林山保春院 在少林臨濟宗城州妙心寺

末寺 貞山君母公保春院殿羽州最上山形城主最上

修理大夫源義守朝臣女牌寺也 後水尾帝元和九年

癸亥七月十七日逝葬遺骸于學範寺別建

寺清岳和尚開山寄附百八十石餘之地塔

頭一區如在

單傳菴 清岳和尚開基不詳年月

惠照山定光寺 在北山臨濟宗城州妙心寺

末寺 靈元帝寬文中資福寺前住白堂和

尚詰行 義山君葬禮之地以建寺號惠日

山東光寺此寺山号奮在濃州而覺範寺開

祖佛海慈雲禪師虎哉和尚剃髮所住之地

也以白堂乃虎哉汰孫故虎哉和尚為開山

始祖 東山帝元祿中 肯山君枉駕于覺

範寺時問東光寺創建之事實覺範寺林巖

和尚詳答之 君曰濃州東光寺雖虎哉剃

髮所住之地至今既及荒廢是故准虎哉塔  
所而可也况東光寺之號第九世先君  
之汰謚字臨濟宗則用寂光中之文字當改  
号惠照山定光寺

金剛寶山輪王寺 在城北曹洞宗越後州磐  
船郡小泉莊杜澤邑耕雲寺末寺傳云 當  
家十一世天海君依其祖母蘭庭明玉禪尼  
所願 後花園帝嘉吉元年辛酉建寺于伊  
達郡策川諸大菴和尚為開山祖号金剛寶  
山輪王寺 將軍普廣院義教公以其外親

奏請之賜宸筆額其額性古其後從罹災燒亡當  
家移居而移轉于同郡西山及羽州米澤本  
州會津等處之地至後陽成帝天正之  
季遷于玉造郡岩出山 同帝慶長七年遷  
于今地 邦君寄附百四十七石之地築川  
西山米澤等之地各存其遺址米澤今有號  
輪王寺精舍而與當山同其祖牌 東山帝  
元祿四年辛未七月二十日值閱基明玉禪  
尼二百五十年之遠忌 皆山君新造營佛  
殿禪堂客殿等附益僧糧三十六斛以贍香

積且蒙將軍家之台許兼受永平寺并關東三寺之公帖肇自此冬每歲兩期結制金剛寶山與汰幢固約未來際

微笑山江巖寺 同上曹洞宗輪王寺末寺

後水尾帝元和元年三月十八日 貞山君

第八男竹松九七歲而夭於武州江府即葬

于輪王寺法諡江岩惠春其後建寺号微笑

山江岩寺輪王寺十世麟菴光全和尚開山

有靈牌及殉死二人性名不傳牌寄附九石

餘之地惟存汰号

通塞山永昌寺 同上曹洞宗輪王寺末寺傳

云古來之寺也不詳何時何人開山後光

明帝承應中輪王寺十三世角外麟恕和尚

中興寺內有保春院殿葬禮之時燒棺灰

塚故安置靈牌

瀧澤山雲相寺 同上曹洞宗輪王寺末寺承

應中角外麟恕和尚開山

喜傳山秀林寺 同上曹洞宗輪王寺末寺承

應三年甲午角外麟恕和尚開山

宝珠山壽德寺 同上曹洞宗松音寺末寺

正親町帝天心中松音寺八世喜州全應和尚開山舊在信夫郡佐原邑行性山君葬禮於此寺故建靈牌貞山君遷封之後住僧護靈牌來于仙臺建寺性山君葬禮之灰塚于今在佐原邑壽德寺云

金臺山龍雲院在北八番町曹洞宗輪王寺

末寺後陽成帝慶長十一年輪王寺九世

久山光天和尚開山

流水山全玖院同上曹洞宗輪王寺末寺

後水尾帝元和中輪王寺十一世龜院鷹鶴

和尚開山

松峯山高福寺在北九番町曹洞宗輪王寺

末寺承應三年角外麟恕和尚開山

喜福山玄光菴在新日形町八塚龍川院末

寺傳云正親町帝元龜三年龍川院二世

明屋和尚開山同帝永祿八年大檀越小

林伊豆道春寄進作佛釋迦本尊希文按小

林伊豆不知何人蓋國分家臣十九字

五峯山松音寺在連坊小路曹洞宗桃生郡

深谷莊梅木邑統禪寺末寺傳云舊在伊達

郡松倉。後花園帝寬正中越後州村上耕  
雲寺四世瑚海忠珊和尚開山。後土御門  
帝長享元年丁未九月葬。十二世瓊岩君  
其後遷寺于伊具郡丸森。後柏原帝永正  
十年統禪寺四世全的闇乍和尚中興寄附  
七十八石之地。後陽成帝慶長中遷于今  
地有。貞山君第五男伊達攝津宗綱靈廟  
及殉死橋本三吉諱不傳墓塔頭一區如左  
成就院。公族茂庭石見延元嘗為宗綱之  
傳宗綱歿後不堪悲哀之情登紀州高野山

為僧號了菴祈宗綱之冥福所建也

福現山保壽寺。同上曹洞宗國分莊七北田

邑洞雲寺末寺傳云國分家十一世修理亮  
平盛行開基而實底和尚開山不詳其年月

後土御門帝應仁元年八月實底示寂

同帝明應二年十二月盛行卒號保壽寺殿  
其餘有能登守宗政及天人參河守盛重及  
夫人之靈牌

金秀山瑞雲寺。同上曹洞宗羽州置賜郡屋

代鄉朝川邑瑞雲院末寺傳云。後花園帝

文安元年閏應良玖和尚開山舊在羽州朝  
川邑號瑞巖寺 貞山君移玉造郡岩手山  
城時第八世虎山守龍和尚扈從其後賜地  
建寺以與松島瑞寺同號改號瑞雲寺  
角島山龍興院 同上曹洞宗松音寺末寺  
正親町帝天正元年天岩正膳和尚開山  
天苗山皎林寺 在荒町市店後曹洞宗名取  
郡吉田邑秀麓齊末寺傳云 後水尾帝慶  
長十八年密州祖芳和尚開山寺內有井古  
來呼之曰弘汰水井中有長一尺許濶五寸

許石号弘汰石 雖大旱水不涸揚其石則水  
不滿故常入井中不揚之  
奕葉山冒傳菴 同上曹洞宗越前州蓮浦大  
藝寺末寺也然大藝寺荒廢故為大藝寺本  
山羽州米澤瑞龍院末寺傳云 旧在米澤  
十三世 香山君第三男久松九牌寺也  
後柏原帝永正二年乙丑三月十六日久松  
九六歲而大翌年建寺號昌傳菴喜山高悅  
和尚開山寄附二十七石之地 後陽成帝  
天正季移于玉造郡岩出山 同帝慶長初

移于今地其舊址今在米澤号昌傳菴  
三陽山泰心院 在南鍛冶町市店後曹洞宗  
輪王寺末寺 當家十四世直山君夫人台  
心院殿葦名遠江守之牌寺也 正親町帝  
永祿十年二月十一日夫人逝其後建寺輪  
王寺五世佛頂直光禪師源菴和尚開山不  
詳其年月舊在米澤 後陽成帝天正季遷  
于玉造郡岩手山罹回祿荒廢殆十餘年  
同帝慶長七年 貞山君遷于仙臺城之後  
同十二年再造于今地翌年之夏枉駕命曰

台心字若誤連書則為怠字甚不可也當以  
泰字換之爾來作泰心院寄附八十四石之  
地 靈元帝天和中准加州大乘寺之法式  
為奥州最初叢林

耕德山栽松院 在八塚曹洞宗松音寺末寺  
十五世保山君夫人栽松院殿磐城左京大  
牌寺也 保山君卒後夫人移住于信夫郡  
杉目城 後陽成帝天正季 貞山君移于  
玉造郡岩手山城時移注于宮城郡國分莊  
根白石邑 同帝文祿三年甲午六月九日



逝葬于根白石邑建寺號琥珀山窟積寺其  
後別建寺於今地因夫人葬送之道師以松  
音寺五世台屋恕三和尚為開山祖安置  
靈牌寄附六十石之地

圓通山菴川院 同上曹洞宗根岩邑宮澤宗  
禪寺末寺傳玄宗禪寺五世融室閻祝和尚  
開山不詳其年月 後柏原帝大永三年九  
月十八日融室示寂此寺舊在河內二丸大  
門下 後陽成帝慶長初遷于今地松木番  
處之松樹乃立木也 中御門帝享保初古

來之松枯今存者所新植也

喜雲山光壽院 同上曹洞宗輪王寺末寺舊  
在信夫郡杉目而号慶正院靈菴和尚開山  
不詳其年月 保山君夫人栽松院殿所創  
建也 後陽成帝天正季 貞山君移于玉  
造郡岩手山城時第四世文綴和尚移住于  
名取郡增田邑 貞山君放鷹時在駕問寺  
院由來寄附三石之地其後遷寺于今地改  
號光壽院

昌峯山林松院 同上曹洞宗松音寺末寺傳

云松音寺七世靈堂文徹和尚開山不詳其年月。後水尾帝元和五年五月朔日文徹示寂。

森城山大林寺 同上曹洞宗輪王寺末寺傳云舊在羽州米澤鮎貝邑。後奈良帝弘治中輪王寺五世源菴守真和尚開山。貞山君移于玉造郡岩手山城時扈從移寺開祖源菴和尚為直山君夫人泰心院殿之導師故安置其靈牌寺內有古塚所謂八塚之其一也寄附十九石餘之地。

浮柳山洞林寺 同上曹洞宗妙心院末寺

後光明帝承應二年四月生室長寅和尚開山

清涼山西福寺 同上曹洞宗輪王寺末寺輪

王寺九世久山光天和尚開山不詳其年月。後陽成帝慶長十二年四月久山示寂。

稻荷山妙心院 同上曹洞宗松音寺末寺

正親町帝天正中松音寺七世靈堂文徹和尚開山。貞山君為乳母妙心院建寺寺內有古塚所謂八塚之其一也。

永福山東秀院 同上曹洞宗刈田郡平澤邑  
保昌寺末寺傳云 後水尾帝寬永中嘉山  
闇悅和尚開山舊在谷地小路東号車地藏  
地門前有車地藏移寺于今地時車地藏亦  
共移之至今舊地稱車地藏

繁盛山長泉寺 同上曹洞宗松音寺末寺傳  
云松音寺第五世台屋恕三和尚開山不詳  
其年月 後陽成帝慶長五年正月恕三示  
寂寺内有古塚所謂八塚之其一也  
天總山林香院 同上曹洞宗岩城富岡龍泰

寺末寺傳云 後陽成帝天正中龍泰寺五  
世即翁長磨和尚開山

五臺山松山寺 在天神下曹洞宗須賀川長  
錄寺末寺 後水尾帝慶長十八年文州和  
尚開山舊在越路鹿落坂上 櫻町帝元文  
元年公收舊地換賜今地

松風山金勝寺 同上曹洞宗瑞雲寺末寺傳  
云 後柏原帝永正元年五月中岳泉波和  
尚開山舊在南町後遷于今地寺内有北条  
氏直子北条善右衛門氏次入道安清墓記

曰寬文十二壬子歲閏六月四日八十八歲卒

龍泰山大安寺

在石名坂曹洞宗名取郡根

岸邑瀧澤寺末寺

後水尾帝寬永元年三

月滝澤寺第六世融山室祝和尚開山今

上帝明和四年現住牧山和尚納金公府

賜廩米三口

滿谷山圓福寺

同上曹洞宗名取郡根岸邑

瀧澤寺末寺其先不詳何時何人開山正

親町帝天正中瀧澤寺五世章覺和尚中興

本尊聖觀音傳云聖德太子所造而田村將軍利仁朝臣侍妾墨玉護持之佛也寺內有沼相傳往古沈塩竈之神釜于茲名跡志曰石名坂有寺曰滿谷山圓福寺是田村麻呂東征之間以宮城產墨玉子備側室平日愛護觀音後人建閣而藏之希文按寺僧所傳為利仁朝臣名跡志為田村麻呂二說不同裨說曰田村麻呂乃利仁朝臣之子而墨玉之所生也不知孰是姑記異說備參考寄附三石餘之地

青龍山宗禪寺

在名取郡根岸邑宮澤屬府

內曹洞宗本郡七北田邑洞雲寺末寺傳云

後花園帝文安四年粟野遠江守諱不開

基而梅國祥三和尚開山

法輪山長德寺

在名取郡根岸邑越路屬府

內曹洞宗松山寺末寺

後水尾帝寬永元

年文廊和尚開山舊在瑞鳳寺下馬之地造

宮 貞山君靈廟時換賜今地

後西帝萬

治元年八月五日為

義山君花見圓阿彌

殉死於此寺爾來以圓阿彌為開基有塚稱

圓阿彌塚其地崩壞今無其塚

經部山大藏寺

同上曹洞宗昌傳菴末寺傳

云此地古來稱梅森寺內有老梅樹

後陽

成帝慶長二年昌傳菴十世嶽翁宗悅和尚

開山有觀音堂本尊正觀音慈覺所造而稱

滿海上人護持佛仙臺順禮三十三處第三

十三番之札處也舊在城林中号黑沼地慶

長五年貞山君築城是以移于 瑞鳳殿之

地 後水尾帝寬永十三年造營 瑞鳳殿

故又移于 感仙殿之地 後西帝萬治元

年造營 感仙殿是以又移于今地 中御  
門帝正德中 肯山君祈 雄山君之冥福  
遺命讀誦普門品三十三萬卷三年而終功  
虛空藏山大滿寺 同上曹洞宗龍川院末寺  
傳云姓古虛空藏堂千躰佛共在城地中古  
荒廢無住而千躰佛亦散失 正親町帝天  
正元年龍川院三世量山和尚再造虛空藏  
堂而中興大滿寺 後陽成帝慶長初 貞  
山君經營城地時遷堂及寺於經峯瑞鳳寺地造  
營本堂并殿鐘樓及寺寄附三十六石餘之

地 後西帝萬治二年 感仙殿義山君造  
營時再遷于愛宕山西造營如舊  
大藏山松源寺 在米袋曹洞宗輪王寺末寺  
傳云舊在本州白河郡而白河家牌寺也  
後柏原帝永正十八年辛巳三月此年改元大永輪  
王寺四世太光元可和尚開山 後陽成帝  
天正李太閤秀吉公沒收白河家領地是以  
白河七郎義親後號不齊寄食 當家而在仙  
臺松原寺亦從來賜地建寺有義親子宮內  
大輔義綱之墓

光明山孝勝寺 在城東日蓮宗甲州身延山

久遠寺末寺 伏見帝正應中日蓮上人泐

嗣一乘阿闍梨日門上人開山有 義山君

夫人孝勝寺殿 大樹秀忠公養女 肯山君

母公淨眼院殿 三澤權佐 肯山君令妹秘

密院殿 立花禪正貞常 全院殿 公族中村日

靈廟寄附二百三十石之地靈供廩米二十

石子院五區如在

妙音院 孝勝寺三世日正上人開基不詳年

月

泐輪院 孝勝寺中興日達上人開基同上

蓮香院 孝勝寺十六世日春上人開基同上

華香院 孝勝寺十七世日玄上人開基同上

經王院 孝勝寺十八世日逗上人開基同上

泐龍山佛眼寺 在荒町市店後日蓮宗京都

佛眼寺末寺傳云日尊上人開山不詳其年

月至當住二十六世也舊在伊達郡 貞山

君移王造郡岩手山城時扈從住于號蛭川

地其後遷于今地寄附二十五石餘之地

廣潤山泐運寺 運奮作雲以義 在連坊小路

山君之命作運

日蓮宗甲州大野本遠寺末寺傳云日遠上人開山不詳其年月其後日悟上人中興日悟者青木仲平郎友室弟也貞山君卒時友室殉死無嗣義山君命日悟繼其家日悟固辭曰當此時也俗亦當為僧之秋也還俗繼其家者非臣之志是以使他親族繼其家賜日悟以百五十石之地日悟乃以其賦稅再興精舍其後請以三十石之地永為寺之寄附公收其餘百二十石之地如請寄附三十石之地其餘公收之日悟生涯別賜五

十石之地

上方山日淨寺在城北日蓮宗京都要泐寺末寺日行上人開山不詳其年月瀨上丹後傳不創建舊佛眼寺末寺也靈元帝延寶中為要泐寺末寺

眺海山康國寺仙岳院在小田原天台宗日

光御門主末寺東照宮別當後光明帝

承應三年晃海僧正開山寄附百八十石之地八靈牌供廩米百二十石傍院四區如左  
蜜藏院承應三年亮存泐印開基寄附三



十五石之地

成就院 同年文啓汰印開基寄附同上  
延壽院 同年真達汰印開基寄附同上

吉祥院 旅宮守護同年創建開基僧名不

傳寄附廩米七口

成就山滿願寺，在舊寺小路天台宗東叡山

末寺傳云舊在本州白河關 聖武帝天平

中為東夷靜謐祈願建寺安置光明皇后護

持佛閣浮檀金聖觀音行基菩薩開山也

當家先君世崇敬寄附神馬黃金等白河家

裏地之後 後陽成帝天正季前住慶重汰

印護持本尊到玉造郡岩手山 貞山君假

設堂安置之 同帝慶長初移于仙臺城時

擇其地於州城之艮隅創建關明神社及觀

音堂而移寺為祈願處寄附三十六石餘之

地傍院一區如左

慈音院 号惠住僧開基與滿願寺同時建

之

地耀山延命院光圓寺 同上天台宗東叡山

末寺寶永汰印開山不詳其年月 貞山君

寄附智證大師所造不勤二童子及短刀有  
平日祈禱且當每歲登湯殿山代并之命至  
今每歲登山代并然貧寺而不能登山 桃  
園帝寬延三年愁訥請之 忠山君寄附廩  
米五口

慶永山安樂寺，同上天台宗東叡山末寺

東山帝寶永中仙臺府內兩度大火實記燒  
失不詳何時何人開山

日想山等覺院 同上天台宗仙岳院末寺  
東山帝寶永之災實記燒失不詳何時何人

開山

愛宕山誓願寺 在名取郡根岸邑屬府內天  
台宗東叡山末寺舊在羽州米澤不詳何時  
何人開山 正親町帝永祿中尊勝汰印中  
興 貞山君移玉造郡岩手山城時從來詳  
于愛宕社下條寄附二十七石餘之地

鏡池山本明院光禪寺 在北二番町天台宗  
仙岳院末寺傳云 齊衡帝天安中慈覺大  
師留錫于宮城郡國分莊青葉山鏡池邊自  
造千體地藏尊建一字号鏡池山本明院光

禪寺。後讓弟子覺山。歷年之久。荒廢。惟存其址。後陽成帝慶長中。貞山君經營城地。時賜今地。移住焉。東山帝元祿中。前住宮真蒙。大明院一品法親王。嚴命為仙岳院末寺。

地慶山不動院圓德寺。在中島町南五十人町。天台宗光圓寺末寺。傳云。舊在伊達郡。後小松帝明德元年。惠親法師開山。當家旗下步卒。祈願處也。貞山君遷于玉造郡岩手山。及仙臺城時。扈從云。

真護山宗海寺隆興院。在田町市店。天台宗光圓寺末寺。不詳何時何人開山。照寶山圓妙院誓安寺。在北六番町。天台宗誓願寺末寺。誓願寺三世日歲法印開山。不詳其年月。

板山神宮寺。荒牧邑神明宮。別當屬府內。天台宗誓願寺末寺。貞山君之世。妙海法印開山。不詳其年月。

兩足山大年寺。在名取郡根岸邑茂碕。屬府內。臨濟黃檗宗。城州宇治萬福寺末寺。東

山帝元祿八年十一月二十四日 肯山君  
手自把鍬其地開地於城南茂碕山而  
移宮城郡小林廢寺小蓬山仙英寺遺址建  
寺改号西足山大年寺同十年孟春諸下總  
州牛島弘福寺普應禪師鍊牛和尚以為開  
山始祖呼北回般若峯号南曰禪那嶺有  
肯山君獅山君同夫人長松院殿久我内府  
通誠公養  
女久我中納  
言通名卿女 忠山君同夫人雲松院殿於  
有德院殿養女紀伊 五靈廟寄附二百石之  
地及禪堂僧糧廩米百斛 五靈廟供廩米

七十五石祠堂金若干塔頭靈廟守護開山  
堂凡十七區  
大幻菴 肯山君靈廟守護 中御門帝享  
保四年己亥創建寺内塔頭巡察僧輪番  
寄附廩米五十石  
壽仙院 忠山君雲松院殿靈廟守護 櫻  
町帝延享四年丁卯創建大年寺前住僊  
巖和尚開基寄附十五石之地  
小林院 開山堂 東山帝元祿十六年癸  
未創建有藥師佛此本尊此奮少林小蓬山仙

英寺本尊而安置于此寄附五十石之地  
心定院 櫻町帝延享四年丁卯創建大年  
寺前住仙岩和尚開基安置 獅山君弟  
二女心定院殿靈牌寄附二十石之地及  
祠堂金若干

松濤院 中御門帝享保三年戊戌九月創  
建香國和尚開基寄附祠堂金若干

大十院 享保四年己亥五月創建泰嶺和  
尚開基寄附三十石之地

活龍院 享保三年戊戌三月創建慧林和

尚開基寄附十五石之地

四天主院 享保九年甲辰三月創建高泉  
和尚開基寄附同上

勝福院 東山帝寶永四年七月創建千呆  
和尚開基寄附同上

玉笛院 東山帝元祿十七年甲申此年改  
元寶永  
正月創建鳳山和尚開基寄附同上

頂王院 寶永元年甲申十二月創建月耕  
和尚開基寄附同上

撐月院 寶永元年甲申十二月創建鳳山

和尚開基寄附同上

西來院 中御門帝正德元年庚寅五月創

建泰宗和尚開基寄附同上

曇華院 不詳何時創建石門和尚開基寄

附同上

德本院 東山帝元祿十五年創建斷崖和

尚開基寄附同上

普門院 元祿十年創建海音和尚開基寄

附同上

天遊院 享保中創建璞宗和尚開基寄附

同上

開元山萬壽寺 在本郡小田原邑高松屬府

內臨齊黃檗宗城州宇治萬福寺末寺 東

山帝元祿十年丁丑九月移加美郡黑澤邑

廢寺黑澤山安養寺遺址建寺安置安養寺

本尊虛空藏像以月暉和尚為開山有 肯

山君夫人萬壽寺殿 稻葉丹後守侍從 靈廟

及 桂山君 弟一山君 靈牌門前有老松土人

呼之曰高松相傳婦人之暮松也寄附百石

之地及 靈廟供廩米十石塔頭凡十區如

左

三昧院 開山月畊和尚塔處函圭和尚開

基不詳年月 櫻町帝延享二年寄附貢

田使人佃之收其貢於公二十石之地

靈松院 春嶺和尚開基不詳年月延享二

年寄附貢由十石之地

大珠院 函圭和尚開基不詳年月寄附同

上

吟松院 吟松和尚開基不詳年月寄附同

上

韶陽院 蕪底和尚開基不詳年月寄附同

上

甘露院 梅仙和尚開基不詳年月寄附同

上

慈照院 泰猊和尚開基不詳年月寄附同

上

棲雲院 璞宗和尚開基不詳年月寄附同

上今荒廢

大通院 開基僧名年月共不詳寄附同上

三越院 鼈店和尚開基不詳年月

得生山西蓮院善道寺 在城東淨土宗磐城  
專稱寺末傳云 正親町帝天正五年 當  
家十五世保山君卒後侍臣橫塚縫殿助諱  
傳者為僧号西蓮回國修行結菴于羽州米  
澤蓮池傍号西蓮院以祀 保山君之冥福  
後陽成帝天正季遷于玉造郡岩手山慶  
長中移于仙臺大町末菴其後遷于今地三  
世分波和尚請寺号於木山號善導寺 明  
正帝寬永十九年二月葬 義山君側室  
雄山君因母得生院殿梯笥贈左大臣隆致公季女其後

号得生山本尊阿彌院 保山君護持佛而  
貞山君所賜西蓮也故以西蓮為開山祖  
有得生院殿靈廟寄附七十石之地 灵元  
帝寬文六年有 命創建塔頭三舍如左  
歡喜院 寬文六年故信和尚開基今無住  
信安院 同上  
芳樹軒 同上今荒廢  
十劫山大衆院成覺寺 在八塚淨土宗磐城  
成德寺末寺傳云舊在伊達郡而成阿和尚  
開山不詳其年月 後柏原帝大永中住阿



和尚移住于羽州米澤。正親町帝天正中  
良確正殘和尚後改名吞茶。與州岩城桐葉  
之產猪狩氏子  
智道兼備一宗無雙之名僧而中興之。從  
貞山君移于玉造郡岩手山。後陽成帝慶  
長五年賜今地而建寺以移住焉。仙臺府下  
大町市人只野利右衛門先祖施主而造宮  
之利右衛門者羽州米澤當家累世之市  
人也。古來寺內有曼陀羅堂。東山帝宝永  
中仙臺府下大火延燒今存其遺址。此曼陀  
羅天下無二之靈宝而淨土宗三曼陀羅之

中第三聖圖也。一條帝正曆中和州南都  
超勝寺住僧清海法師欲書寫同州當麻寺  
之曼陀羅志願已久貧僧無福不果欲乞其  
資赴于城州到木幡山遇一婦人被婦問曰  
沙門何之清海答以其志願婦曰我幸盡工  
也今夜之間書寫其曼陀羅以使和尚遂其  
志願當待此松樹下乃太其夜過五更彼婦  
書寫曼陀羅來授清海曰我實清水觀音也  
忽失其所在故世稱清水觀音正筆之曼陀  
羅爾來五百七十餘年為超勝寺本尊。正

親町帝天正中井上若州亂行于大和國罹  
兵燹超勝寺堂宇悉為灰燼曼陀羅自火中  
飛入南都一衆院門徒高天汰眼諱貞之  
室其後流傳于京都二條高倉福祐善西家  
後水尾帝寬永七年三月十五日夜 塩  
竈大明神化老翁來于善西家請納彼曼陀  
羅於奥州仙臺八塚成覺寺不能背神名延  
齋來納之云 希文 按怪異妄誕之說浮屠之  
徒所言徃々如此不足信用姑記寺僧之所  
傳也

五劫山悟真寺愚鈍院 同上淨土宗岩城楢

葉邑成德寺末寺傳云 後陽成帝慶長七

年八月良暉上人吞茶和尚開山吞茶和尚

者成覺寺中興開祖 詳于成覺寺下條 而慶長六年

移住于本山成德寺 貞山君召之同七年

歸于仙臺賜方百間之地于八塚以建寺

貞山君尊信之恩遇尤渥寺内有古塚所謂

八塚之其一也塔頭二舍如左

常照院 後水尾帝元和五年吞茶和尚開

墓

良經院 靈元帝延寶五年愚鈍院三世實  
殘和尚開基今荒廢

弘誓山龍宅院正雲寺 同上淨土宗岩城專

稱寺末寺 後陽成帝慶長十五年淨蓮社

良典上人傳佐和尚開山而青山出雲勝定

開基也

真成山報恩寺 同上淨土宗下野州大澤邑

圓通寺末寺彌良進僧開山不詳其年月

後西帝萬治二年良進示寂

光明山遍照寺 同上淨土宗岩城專稱寺末

寺 後水尾帝寬永中良心和尚開山

本願山生因寺 同上淨土宗愚鈍院末寺

後水尾帝寬永十三年厭蓮社良欣覺雲和

尚開山

成就山莊嚴院末德寺 同上淨土宗岩城成

德寺末寺 後陽成帝慶長中良果上人開

山

無量山壽經院圓德寺 同上淨土宗成覺寺

末寺 後陽成帝慶長中良汰上人開山

喜光山觀照院慈恩寺 在天神下淨土宗愚

鈍院末寺 後陽成帝慶長中良巖上人開山

正定山具足院願行寺 同上淨土宗正雲寺末寺 後陽成帝慶長中良故圓罔和尚開山初號淨光寺避肯山君夫人之沘諱改號第十世良乘和尚開設常念佛

正定山隨願院久近寺 同上淨土宗岩城專稱寺末寺 後陽成帝慶長中良滿上人開山

一向山常念寺 在荒町市店後淨土宗關東

大澤圓通寺末寺 後水尾帝寬永二年久也和尚開山 靈元帝延寶三年良讚上人中興開設常念佛

無緣山沘圓寺 同上淨土宗成覺寺末寺

後水尾帝寬永中三蓮社良緣和尚開山

功德山仰信院 在石名坂淨土宗善道寺末寺不詳何時何人開山 後水尾帝寬永初善道寺第七世良聲上人中興為退隱之寺初號宗源院避將軍家沘諱改號

若蓮山常林寺 在少林淨土宗莊嚴寺末寺

本譽上人開山不詳其年月

寶領山充國寺 在北山淨土宗成覺寺末寺

後水尾帝寬永元年到蓮社良清上人開

山

深妙山入玄院 同上淨土宗大願寺末寺

後水尾帝寬永十五年觀蓮社良經上人錢

山和尚開山

井光山來迎院寶泉寺 同上淨土宗岩城山

碕專稱寺末寺 後陽成帝慶長八年南蓮

社良哲上人開山

大鶴山昌繁寺 同上淨土宗岩城專稱寺末

寺 後陽成帝慶長六年專蓮社良傳上人

袋友和尚開山

遍照山專光寺 同上淨土宗充國寺末寺

後光明帝承應中心蓮社愚譽上人袋山和

尚開山

功徳山成就院莊嚴寺 同上淨土宗岩城楢

葉成徳寺末寺存蓮社良把上人開山不詳

其年月 後水尾帝寬永十七年良把示寂

一念山稱安寺 同上岩城山碕專稱寺末寺

後水尾帝元和二年定蓮社良惠上人歷舍  
和尚開山

增上山大願寺 同上淨土宗岩城山碕專稱

寺末寺 後陽成帝慶長八年實蓮社良盛

上人格外和尚開山此地行 負山君葬禮

武之地而有焚 靈柩灰塚

波佛山安樂寺 同上淨土宗岩城山碕專稱

寺末寺 後水尾帝寬永十六年定蓮社良

惠上人歷舍和尚開山

光明山實相院 同上淨土宗莊嚴寺末寺

櫻町帝元文五年二月十五日罹回祿舊記

實錄悉為烏有不詳何時何人開山

龜鏡山正圓寺 同上淨土宗岩城山碕專稱

寺末寺 後水尾帝寬永九年專蓮社良傳

上人袋炭和尚開山

無量山智經院 同上淨土宗大願寺末寺

後水尾帝寬永十五年三蓮社良緣上人開

山

莊嚴山宝林寺 同上淨土宗大願寺末寺

後水尾帝寬永十九年實蓮社林卷上人圓

的和尚開山

圓光大法寺

同上淨土宗下野州大澤園

通寺末寺

後陽成帝慶長十三年圓蓮社

良通上人開山初在大町市店之末卷罹回

祿而荒廢今其址為市店後西帝萬治三

年請行

義山君葬禮武之地再興之云

紫雲山來迎寺

在城北五十人町淨土宗昌

繁寺末寺

後水尾帝寬永十七年相蓮社

頓卷圓隨和尚開山

北原山正樂寺

在八塚淨土真宗京都東本

願寺末寺傳云佐藤真玄者為僧號真源房

結菴于名取郡笠島邑而居之故以真源房

為開山祖二世福壽坊住于玉造郡岩手

山第三世明慶法印移住于名取郡日邊邑

北原此時負山君命為封內一宗之宗寺

號正樂寺寄附所在磐井郡平泉之鐘削舊

銘而記新銘其後移寺于今地塔頭四區如

左

寂靜寺

靈元帝延寶七年號林加僧開基

西照寺

號教存僧開基不詳年月

應瑞寺 靈元帝天和二年号宗玄僧開基

常玄坊 同帝貞享元年號惠應僧開基

真照山崇明寺 同上淨土真宗京都東本願

寺末寺 後水尾帝寬永二年淨穗和尚開

山

佛光山見瑞寺 同上淨土真宗京都東本願

寺末寺 正親町帝天正中衆西和尚開山

舊在本郡松森邑第三世念西移于今地

勝光山德泉寺 同上淨土真宗京都東本願

寺末寺 後水尾帝寬永中號宗圓僧開山

唱名山道仁寺 同上淨土真宗京都東本願

寺末寺 後陽成帝慶長中號淨稱僧開山

佛汰山東漸寺 在南鍛冶町淨土真宗京都

東本願寺末寺 後陽成帝慶長季本西汰

師開山本西者最上出羽守義光世臣藤原

秀卿之後裔那波將監氏經子而稱三郎四

郎重廣慶長五年九月上杉景勝使其臣直

江山城守兼續攻最上此時氏經戰死于上

山城氏經死後重廣為僧号本西來居于宮

城郡利府北方森郷後移住于同郡霞目邑



慶長李貞山君賜地於同郡少林少森為

市店南鍛治町是也建寺塔頭三區如左

敬正寺 靈元帝貞享三年號敬念僧開基

本壽坊 貞享四年號淨林僧開基

圓乘坊 同年號宗玄僧開基

若林山淨澤寺 在添師町淨土真宗東漸寺

末寺號玄清僧開山不詳年月

泐水山冷源寺 在少林成田町淨土真宗京

都東本願寺末寺傳云阿都左京傳不者為

僧號圓意後水尾帝寬永八年開山

橘昌山稱念寺 在城北淨土真宗京都西本

願寺末寺傳云順德帝建保二年泐祖親

鸞上人第十一泐嗣無為子開山無為子者

本州會津之產橘姓杉岡氏始見親鸞上人

於常州而為僧其後建寺于會津而居焉

後陽成帝天正季貞山君移于玉造郡岩

手山時從之同帝慶長中亦從君到仙

臺賜地建寺塔頭一區如左

超光寺 後奈良帝天文八年號道珍僧開

山道珍者能州之產為稱念寺八世無為明

法嗣開基

稱揚山稱學寺

同上淨土真宗京都西本願

寺末寺傳云舊在米澤正親町帝天正八

年号圓知僧開山其後從貞山君移住于

處々後陽成帝慶長中到仙臺同居于稱

念寺義山君賜地建寺

宿緣山恩慶寺

同上淨土真宗京都西本願

寺末寺

後陽成帝慶長十二年号教順僧

開山爾來處々移住後西帝寬文元年移

于今地

遠慶山宿緣寺

同上淨土真宗東漸寺末寺

正親町帝天正中開山僧名不傳

後西

帝萬治三年賜行義山君葬禮式之地教

西泐師中興建寺

清涼山林宅寺

在北六番町淨土真宗京都

東本願寺末寺

後奈良帝天文中號妙圓

僧開基而初菴地也

靈元帝天和二年六

世圓誓受本山之許命號清涼山林宅寺

泐王山正覺院阿彌陀寺

在八塚時宗相州

藤澤清淨光寺末寺傳云

後宇多帝建治

三年遊行元祖一遍上人到興州時當家  
第四世願西君歸依上人建寺以上人為開  
山祖十七世貞山君移住于玉造郡岩手  
山及仙臺時扈從寄附二十四石餘之地本  
尊阿彌陀跌下雕承久三年二月日僧宗實  
十字安阿彌所造而十四世直山君第六  
男四郎為公族桑折播磨守貞長嗣而大  
君祈其真福納此像云寺內有觀音堂詳于  
佛宇下條  
廣澤山無量院真福寺在土樋時宗相州藤

澤清淨光寺末寺傳云後醍醐帝嘉曆元  
年清淨光寺五世安國上人建寺於登米郡  
葛西家城下以安國上人為開祖葛西家亡  
滅之後寺亦荒廢廿八世覺惠到玉造郡岩  
手山愁訴之是以貞山君賜地建寺君  
遷于仙臺城時賜今地以建寺寄附百二十  
石之地

慈雲山新泉坊良覺院修驗京都聖護院門  
主末寺當家累世祈願處而每歲登和州  
吉野山而修法賜二百石之地號其所居曰

良覺菴傍院六區如左

寧道院 賜十石之地

正輪院 同上

善行院 同上

圓教院 同上

福壽院 同上

月藏院 同上

市麿凡二十五

大町

肴町

南町

附車地藏街

立町

附中瀬橋東中坂

柳町

荒町

國分町

舊材木町

北材木町

北目町

二日町

西澤師町

田町

新傳馬町或曰日形町

穀町

南材木町

河原町

南鍛冶町

北鍛冶町

宮町

龜岡町

大碓八幡町

支倉澱橋町

倉廩凡三處

其一 在城中收近邑之租米

其二 在小泉邑少林同上

其三 在原町舟送遠郡之租米於蒲生濱又

舟送之于苦竹倉廩而以牛車運送收於此

倉廩

孝子孝婦凡十人

其一 南町市人富屋孫兵衛事父母致孝至

歿後亦猶事生 東山帝寶永五年春二月仙

臺府内大火孫兵衛四隣市店比屋猛火之中  
獨免其災人皆以為孝感之所致是以 獅山  
君命有司探問其事一町之衆稱告其平日致  
孝之狀同年六月七日奉為番士賜廩米百俵  
稱星孫兵衛元起

其二 荒町市人渡邊屋長十郎借屋三之助  
家貧而能事養父養盡心 櫻町帝延享四  
年二月賜金賞之

其三 澱橋町市人及川屋久助事大老之父  
致孝歿後猶不怠供為子之職延京五年二

月賜物賞之

其四 穀町市人高田屋六之丞父母存時孝  
養盡心且惠救町内貧窮者 桃園帝寬延  
元年五月賜金賞之

其五 旗本步卒與長加藤源十郎妻能事舅  
姑孝養盡心寬延三年十二月賜物賞之

其六 新傳馬町市人村上屋三右衛門借屋  
善之丞能事父母致孝 櫻町帝寬保三年  
三月賜金賞之

其七 坂本左大夫業隆部下不斷與士小野

一郎太母事舅姑執婦道延享五年五月生  
涯賜廩米二石

其八 大番~~北~~岡碓虎之丞宿守勘三郎女事  
老父母致孝夫歿後家貧而奉養盡心雖其  
父母議再嫁不肯不顧艱難辛苦專孝養  
桃園帝寶曆五年六月賜金賞之

其九 龍寶寺門前柳屋勘右衛門事父致孝  
寔曆十一年七月賜金賞之

其十 步卒三之丞事養父母致孝寔曆十二  
年六月賜金賞之

其十一 大番士菊池嘉太夫定矩宿守利助  
事老母致孝今上帝明和元年三月賜金  
賞之

其十二 北材木町市人十三郎事母致孝明  
和四年十二月賜金賞之

忠僕凡五人

其一 國分町市人杉野屋伊三郎奴僕勘助  
長八仕舊主人伊三郎竭力多年不怠助其  
貧窶以致忠勤中御門帝享保十一年八  
月賜金賞之伊三郎亦以善遇兩人賜物

其二 北鍛治町市人小松屋喜九衛門屋守  
新兵衛奴僕市助能仕主人十五年間竭力  
致忠勤且仕奮主人吉田屋正九衛門父子  
十九年間忠勤不怠父子大病療養盡心親  
切扶病父子共死其家終滅忌日齋食夜中  
參拜不怠 桃園帝寬曆五年十月賜金賞  
之

其三 國分町市人星屋久之助借屋甚之助  
奴隸長作數年事主人親切勵忠勤 今上  
帝明和五年四月賜金賞之

其四 柳町市人黒田屋八郎兵衛奴隸松兵  
衛自主人八郎兵衛祖父以來三世四十餘  
年綿々親切奉事忠勤如一日 桃園帝寬  
延元年八月賜金賞之

良民一人 宮町市醫笠原元倫事其師吾妻元  
水盡心不厭其勞憂元水子四郎右衛門貧  
窮為報師恩為奴僕之態竭力助之且勵醫  
術有招者則雖遠方徒行渾不貪病家之謝  
儀治療用心自病家贈謝儀則不為私用為  
四郎右衛門生業之資事師之志最深 櫻



町帝延享元年四月賜金賞之

學館 在勾堂臺令儒醫教授諸士衆醫

打獄所 在城東河畔俗呼之曰評定所

圀圖 在城東偏方町河畔

調馬場兩處

其一 在河内俗呼之曰追廻此處有厩及御

者之宅

其二 在躰躅岡兩邊栽櫻花若干樹春來之

偉觀也

射場兩處

其一 在舊花壇擬城州大佛堂後之長庇造三十三間之偏庇習學遠矢俗呼之曰折懸堂形 昔山君時以平塚粉右衛門 善射徵之賜廩米七十口教射於諸士 無嗣歿時請之以所賜之廩米永充射術之資用至今常番士及旗本步卒各十人習學射術

其二 在躰躅岡

鷹屋 在米屋

名處一

躰躅岡 或作山榴岡又作榴岡今從風土記

殘編所記風土記殘編曰躑躅岡在府之西  
希文按府乃出紅躑躅官以之摺衣号都都  
多賀古府也茲摺觀迹聞老志曰東鑑稱國分鞭楯古墨  
盖此地也鄉人不詳其舊址往古岡上多躑  
躅且以其花而摺衣帛雅物之一故事也其  
制不傳今不能視之實可惜焉矧躑躅花亦  
絕而亡

舊跡一

芭蕉街 土人呼大町國分町街曰芭蕉街傳  
云古昔有芭蕉故云爾今問之無知之者

八塚 在城東寺院處々之地不詳其為何塚土  
人呼之為地名今僅存其三而失其五所在

七碕 古來傳之曰

鴉碕 在荒牧邑文殊堂下

茂碕 在根岸邑古壘也名跡志曰 後小松

帝應永中粟野大膳諱不者領名取郡北方

三十三鄉居此城今本國府仙臺已可五里

沮廣湍河流而蒼翠萬株峯巒溪澗頗多峯

巒蒙密仍稱之茂碕 先君建寺号兩足山

大年寺

藤碕 在茂庭主水希元宅地前

鹿島碕 在城北光明寺内有鹿島香取神社

駒碕 在中島町長沼五郎助宅地有古松

西株故或彌松碕

田歌碕 在小田原邑東照宮近邊

青葉碕 在城後

六道 在城東泉街東六番町界有六卷土人呼

之曰六道

五橋 在泉街往連坊町街衢四方中央一處架

五橋石而小橋也土人呼之曰五橋

川一

廣湍川 源出自本郡大倉邑巨舟山詳于愛

子川下條

泉九二

鹿子泉 在城南米屋袋不詳其所以名也

柳泉 在立町市店後舊櫓町河田一郎安良

宅地以上兩泉古來稱名水

渡口九三

宮澤渡口 在名取郡根岸邑宮澤以舟渡廣

湍川屬府内

角五郎渡口 在城北古昔號角五郎者居于  
此因為地名以舟渡廣湍川隆冬盛寒之時  
設假橋長二十間餘或曰之牛越 後陽成  
帝慶長初築仙臺城時以牛車運送石渡此  
處故云爾

米屋袋渡口 在瑞鳳殿下 今上帝寶曆中

之新渡也以舟渡廣湍川

橋凡十一傳云貞山君時自追廻馬場末架百

其橋亡其一 大橋板橋長六十四門濶二丈五尺

其二 中瀨板土橋長三十五間濶二間土

橋長十五間濶二間

其四 澱橋土橋長四十五間濶二間今設假

橋三十七間濶一間半

其五 同上土橋長六間半濶二間

其六 評定所下板橋長三十九間半濶二間

其七 瑞鳳殿下土橋長五間半濶一間半

其八 同處土橋長六間半濶一間半

其九 花壇土橋長五間濶一間半

其十 南材木町板橋長五間濶二間半

道凡八  
其十一 小林材木倉傍土橋長五間濶二間

其一 往名取郡鉤取駅長町駅道

其二 歴河原町往長町駅道

其三 歴河原町傍廣瀬川往名取郡道

其四 歴原町駅往黒川桃生兩郡道

其五 歴東照社前往黒川桃生兩郡道

其六 歴城北號堤地往奥郡及南部道

其七 歴小種萱上谷刈邑往黒川郡道

其八 歴大碓八幡社前市店往羽州最上道

街衢凡百

自東一番町至十番町

偏方町自支倉至田町

百騎町東二番町

辰町通自國分町至百騎町

中櫓町自本町至國分町

心町

勾當臺通北一番町二日町東後日勾當臺往

火樓處之地有墓故云爾

堤通自北一番町至北山光明寺前

塩藏町東一番町北往

清水小路東六番

舊櫓町辰町北後自舊

定禪寺通西日材木町連同

草坊町自國分町至勾當臺

杉山通自北一番町至北方杉山

外記町通自花京院外記通永門北四番町居于此處往時

同心町通北自同心町至光禪寺通自北花京院通

通至杉山下杉山通自花京院至光禪寺通自北花京院通

町審支倉通北自支倉町至木町通北自山覺範寺前

支倉通北自支倉町至新坂通山自新坂寺前

土橋通北自土橋町至半甲町通山自輪王寺前

髮者居北八番町于此故云爾自舊柳町北自偏方町

舊荒町或曰自之大町南至柳町通北自偏方町

良覺町南修驗良覺院居于此故云爾大町

狐小路偏方町南至柳町通北自良

柳町通北自柳町南至柳町通北自良

南町通自東一番町北自偏方町南至柳町通北自良

塚至八日之連坊町又曰五坊故或

六軒町入偏方町末土通後自偏方町南至石名坂通

猿曳町南町石名坂通六自荒堰至

小泉倉廩前通自荒町至

舊寺小路自東三番町至

掃部町自舊寺小路通尖刀町自北一番町南後

尖刀町自北一番町南後

至國分寺二十四坊故或

日之連坊町又曰五坊故或

六軒町入偏方町末土通後自偏方町南至石名坂通

猿曳町南町石名坂通六自荒堰至

小泉倉廩前通自荒町至

舊寺小路自東三番町至

掃部町自舊寺小路通尖刀町自北一番町南後

町  
十二軒町中島後

之使令者呼北

之首其大碕八

水希元宅前坂下南至舊花壇其地

形廣湍川遠三方似鼠首故云爾

花京院通自外記町至

乾堀町北一南後

君時養蜂取密處

今為士宅數區

谷地小路東七

國分町俗呼

日淡著町

中島町城北自切通

坊主町八幡町北後

袋町兩處東後柳町通

琵琶首偏自大橋東岸

永町通花京院

蜂宅北一南後

塚寺町田原傳云通末小

北一番町南後

細町南至五番町北

墨町北鍛冶町末

新日形町北八番町

屋故

同廣町

同中坂通

小田原車地藏通又南曰谷地小路

同廣町

同長町通

北大工町六番町新日形北

米屋袋鍛冶屋通以有鷹

同鷹屋通屋云爾

同廣町西後

同廣兒泉通

同金剛院町修驗金剛

同山本町山本三郎于

同北一番町通

同宮町七町東

同宮町八町東

同心町東三番町北定東三番町北禪寺通東

鑊砲町自車地達原町藏前通

六十人町少城北林

城北

柴田町同上

三十人町河内

二十人町近親迎處堂

山宅近龜岡

路次町越德寺前長

舊茶臼

大佛通自達外寺小路記町

三百人町少林

五十人町兩處其一林其二

成田町近舊茶臼

大河原町同上

根子町同上

太筒町中島町

靈廟下

中町

大工町

此餘一町或二町許而無其名者多略之

澱河原南後町

河内大橋通

中瀨通

澱橋通

千貫橋通

三十人町通

中下馬澤上通

龜岡通

筋違橋通

舊支倉橋通

千手院通



Handwritten text in a cursive script, likely Arabic or Persian, covering the left page. The text is arranged in several lines, with some characters appearing to be part of a larger word or phrase. The ink is dark and the paper is aged and yellowed.

Handwritten text in a cursive script, likely Arabic or Persian, covering the right page. The text is arranged in several lines, with some characters appearing to be part of a larger word or phrase. The ink is dark and the paper is aged and yellowed.

